

297

AD QVODLIBETARIAM
QVAESTIO MEDICA
MATVTINIS EXCVTIENDA DISPVTATIONI-
BVS IN SCHOLIS MEDICORVMPDIE IOVIS XVI. DECEMBRIS
M. SIMONE PIETRE DOCTORE MEDICO, MODERATORE.

An Medicamentorum incerta quantitas?

MEDICAMENTORVM natura nostram alterat, redacta prius in actum à calore nobis insito: omnis verò posita in quatuor elementorum ad generationem concurrentium mixtione, quæ cum temperamento prorsus eadem est: ea mixtio propria cuiusque *ιδιοσυγκρασία* nominatur, ac licet nullâ certâ demonstratione definiri possit, tamen artificiosa coniecturâ in ordines quatuor ad medendi vsum valde necessarios distinguitur, respectu corporis humani, quod in reum naturâ medium tenet, ad pondus & exquisitè temperatum, velut mensura rerum omnium.

PRO vario medicamentorum ordine variaz medicamentorum instituendæ doses, quæ æstimantur numero, pondere, mensurâ, mole. Ad numerum referri potest frequentia medicamenti gradum & dosim compensans. Quæ longius abscedunt à nostrâ naturâ, parciora, & rariora esse debent, vt metallica, chymica, & venenata omnia specificis & propriis alexiteriis destituta. Quæ ad nostram temperiem, consistentiam, & substantiam propius accedunt, vt plurima plantarum & animantium genera, liberaliùs, & frequentius vsurpanda, modo sint *εὐαρώστα*: in quibus vilissimis & vulgò notissimis medicinz dignitas magis elucet.

LEGITIMA gradus limitatio, & dosis vera æstimatio indicatur ab affectus, qui contra naturam corpori insidet, magnitudine, & affecti cuiusque corporis naturâ: extremis morbis extreme exquisita remedia sunt optima: sed quibus simul, & semel, aut sæpius, plura, an pauciora particulatim adhibenda, vel exhibenda sint, considerandum: condonandum etiam aliquid consuetudini, quæ velut altera natura est. Ab ætate, tempore, & regione, nulla medicamentorum qualitas, nec vlla quantitas indicatur.

SINGVLARIS natura corporum affectorum humo ingenio comprehendi nequit, nec circumscribi potest accuratè morbi magnitudo, quæ à malignitate nihil quidquam differt, nec aliud est, quàm eius, qui à peculiari naturâ fit recessus, quantitas. Huius fidelissimus & æquissimus æstimator habebitur, qui coniector erit optimus ex internis, externisque causis, ac symptomatis, quæ mox apparent, aut superueniunt, & cuiusque loci laborantis conditione.

HISTAM incertis nulla certa demonstratio quantitatis medicamentorum esse potest, sed tantùm coniectura opem experientiæ flagitans: quæ vt secura sit, nec ægro molesta, rationis ductu à leuibus vtilibusque medicamentis ad vehementiora, sed innoxia progreditur, quæ morbum quidem expellant, naturam partis, vel totius corporis tueantur, & roborent. Vnde lectissimorum medicamentorum præparatio necessaria, & compositio, solemnis in nostris opiat, electuariis, pilulis, cæterisque confectionibus, quarum non certior quidem dosis, sed securior, quàm simplicium, vel extractorum.

Ergo medicamentorum incerta quantitas.

PONEBAT FRANCISCVS ELLAIN PARISINVS, ANNO DOMINI 1599.

Domini Doctores Disputaturi.

M. Ioannes Derenou.

M. Petrus Pjart.

M. Nicolaus Labor.

M. Antonius Decappes Med. Regius.

M. Simon Pietre Profess. Reg. & Preses.

M. Joannes Duret Med. & Prof. Regius.

M. Clandius Fauueller.

M. Nicolaus Marchant.

M. Franciscus Duport.

